

ত্রিপুরা সরকার  
তথ্য ও সংস্কৃতি অধিকার

\*\*\*\*\*

স-৫১৩২

আগরতলা, ১০ মার্চ, ২০২৪

ধলাই জেলার চন্দ্রাইছড়ায় নবনির্মিত মধুসূদন সাহা যুব আবাসের উদ্বোধন

শিক্ষা ও ক্রীড়া সহ প্রতিটি ক্ষেত্রে আমাদের যুব শক্তির  
উন্নয়ন সরকারের সর্বোচ্চ অগ্রাধিকারের ক্ষেত্র : মুখ্যমন্ত্রী



শিক্ষা ও ক্রীড়া সহ প্রতিটি ক্ষেত্রে আমাদের যুব শক্তির উন্নয়ন সরকারের সর্বোচ্চ অগ্রাধিকারের ক্ষেত্র। এজন্য রাজ্যে উন্নত ক্রীড়া পরিকাঠামো গড়ে তোলা ও ক্রীড়া প্রতিভার বিকাশে সরকার বিভিন্ন পদক্ষেপ নিয়েছে। আজ ধলাই জেলার আমবাসার চন্দ্রাইছড়ায় নবনির্মিত ২০০ শয়া বিশিষ্ট মধুসূদন সাহা যুব আবাসের উদ্বোধন করে মুখ্যমন্ত্রী প্রফেসর (ডা.) মানিক সাহা একথা বলেন। অনুষ্ঠানে মুখ্যমন্ত্রী বলেন, রাজ্যের খেলাধুলার উন্নয়নে যারা অবদান রেখে গেছেন তাদেরকেও স্বীকৃতি দেওয়া সরকারের অন্যতম লক্ষ্য।

অনুষ্ঠানে মুখ্যমন্ত্রী স্মৃতিচারণ করতে গিয়ে বলেন, ‘সত্ত্বর দশকের গোড়ায় নেতাজি সুভাষ আঞ্চলিক ক্রীড়া প্রশিক্ষণ কেন্দ্রে অনুশীলনের সময় প্রখ্যাত জিমন্যাস্ট প্রয়াত মধুসূদন সাহার সান্নিধ্য লাভের সৌভাগ্য হয়েছিল আমার। তার প্রয়াণের পর আমি তার পরিবারের সদস্যদের সাথে দেখা করতে গিয়েছিলাম। তখন তাদের আশৃষ্ট করেছিলাম যে রাজ্য সরকার একদিন প্রয়াত মধুসূদন সাহার প্রতি যথাযথ সম্মান দেবে।’ মধুসূদন সাহার প্রতি সম্মান জানাতেই আমবাসায় চন্দ্রাইছড়ায় এই যুব আবাসটি নির্মাণ করা হয়েছে। এই শুভ উদ্যোগের জন্য যুব বিষয়ক ও ক্রীড়া দপ্তরের প্রতি কৃতজ্ঞতা জানিয়ে মুখ্যমন্ত্রী বলেন, আজ খুবই আনন্দের দিন। মুখ্যমন্ত্রী বলেন, এক সময় রাজ্যভিত্তিক বা জাতীয় ক্রীড়ায় যে সমস্ত খেলোয়াড়রা অংশ নিতেন তাদের বিভিন্ন স্কুলে রাখা হতো। এতে খেলোয়াড়রা বিভিন্ন সমস্যার সম্মুখীন হতেন। বর্তমান সরকার খেলোয়াড়দের থাকার জন্য উন্নত পরিবেশ ও পরিকাঠামো গড়ে তোলার উদ্যোগ নিয়েছে। এই লক্ষ্যে প্রতিটি জেলায় যুব আবাস গড়ে তোলার উদ্যোগ নেওয়া হয়েছে। প্রধানমন্ত্রী নরেন্দ্র মোদির দিশা অনুসরণ করে রাজ্য সরকার রাজ্যের সার্বিক বিকাশে নিরলসভাবে কাজ করছে।

যুব আবাসের উদ্বোধনী অনুষ্ঠানে উপস্থিত ছিলেন যুব বিষয়ক ও ক্রীড়ামন্ত্রী টিংকু রায়, যুব বিষয়ক ও ক্রীড়া দপ্তরের সচিব ড. পি কে চক্রবর্তী, প্রাক্তন বিধায়ক পরিমল দেববর্মা প্রমুখ।

\*\*\*\*\*